

皇清文穎續編卷四十八

賦

三大禮賦

謹序

彭元瑞

臣

元瑞言右

臣

伏以

皇帝陛下大德久道輯釐備福酌三古之令典肇萬

世之上儀迺旃蒙巳盛王正丙辰

詔開千叟宴越月丁亥以辟雍告成

釋奠

講學越月辛亥

親耕於藉田是歲也

福紀協五

皇春登三一時而三大禮行焉人歡訢洽天瑞景從  
自軒轅甲子以來四千四百八十二年未之有

也臣嘗讀杜甫所爲三大禮賦古奧瑰博史家

豔之顧其所陳朝獻太清宮事既不典若郊廟  
王者所宜歲有事也又多述武德貞觀之烈舊

儀故實所傳於當世無稱焉以甫之才仕不遇  
時德薄化淺不足以發其文臣生  
邛隆之世事

古稀之君親見一時行三大禮幸趨蹌執事其間思  
欲有所敷陳而殖庫詞匱萬萬不及甫良用思  
縮然而訂古規今昭

德紀實文雖不逮事則何唐之足云蹈泳奮抃遂處  
其愚敬作三大禮賦以獻

千叟宴賦

古稀天子維凝承

昊緯佑錫

純淑俾單厚濩九有以元氣躋八方於仁壽少有所  
長老有所養下逮蟬翹跂息咸若成象游乎清寧之  
寓娛乎懷葛以上通邑大都遐陬僻澁方瞳碧眼給  
背犁眉之人徵年於真靈大椿觀太平而倚杖於是  
皇帝御極五十年矣珠囊開萬寶紀週旬三微肇作

四序履端騰

龍樓之鸞誥揭

鳳闕之雞竿

嘉予薄海咸普湛恩先期

詔下將以正月日吉舉千叟之宴焉時維丙丁見弧  
角亢同壽冀奮茁以六葉草勾萌乎三秀先七人與  
八穀叶辰良於珠宿闕外初鉦壺中滙瀟入葭律以  
東風迴黍谷於晴晝引雲路於

東華啟天闔於

乾清春臺四達泰階三平

紫微帝座都福之庭午陛瓊鉞辰居玉繩設清聲於  
闌內懸韶樂於南榮鑪烟芬其裊裊黃繖植而亭亭  
法天道之下濟位

黼座於前楹填庭溢闕軒舞饗鼓奔走偕來以燕譽  
處問其年則算週甲子生首丙午四豆五豆六豆之  
倫杖國杖學杖朝之侶昇平人瑞盈百疇五蓋其衆

三千人綜之得二十一萬有奇而莫窮其數也其人  
則天潢之派若木之英四相文昌三台平衡二陝之  
伯九寺之卿御史爲中執法郎官應乎列星貂蟬兜  
鍪之帥羽林佽飛之營江湖魏闕之心子孫萬石之  
號士誦農耕商遷工巧北漠賓客西瀛宿衛朝使沮  
水之東土目桃關之外服從土宜人襲冠帶蟠地際  
天日蝕月竈以爲安羨之勝游錢佗之嘉會

帝乃莅乎丹旌鸞扇開鯨鐘啟有位威膝席元臣奉

觴鞠脍前致詞曰願以臣隸三千人積算合上

一人壽鱗集鳧藻九拜卽席康衢置尊舉觴行炙出  
堯厨之蕙蒲寫舜楹之璫液雕菰之香雲母之白篆  
三品之精鏐賁三服之珍帛江研宣豪楮生子墨如  
意開年荷囊佩夕智珠百八靈壽九節黃封重疊雕  
盤收積天上攜歸人間

賜得其有九表崇年一品高位尙齒尙爵老老貴貴  
宣之席前



手以觴賜需蒲柳以吉雲漣桑榆以寶露宴以示慈  
禮不愆度

天題唱羣什賡金石諧婉颯颯乎和聲

天子乃憚乎怡愉動乎淵漠

謂是舉也伊述匪作溯盛典於壬寅六十年其如昨  
昔依滕於

含飴今

塵心於調幕

三征朔漠維時其剗削之

六巡吳越維時其荒度之

聖有惠心今普蠲者五度

聖有典學今觀文者四閣蓋五十年日慎一日朝乾  
夕惕若宣

重光衍五代

繼序皇

前猷廓至今而可與宗族懿親子孫臣庶同舉斯爵

也且夫繼志述事至孝也儲祉襲祥百順也引年隆  
齒大道也其斯以爲養老歟彼夫唐宴洛陽之離都  
漢饗南陽之故宅濫或登之版授隘僅及平官側班  
鄭所述服杜所詮人殊義鑿如聚訟然始

著說以息衆糾再

抒記以定一尊數典乎鄒邑徵實乎岐山斟酌六籍  
折衷羣言又如羅鳩執爵之供袒割蕃饋之恭深元  
編燕之容掇拾糟粕各各異同豈足語今之養老劔

其支離傳會於辟雍也哉

辟雍

講學賦

辟雍天子之學也自放勳以上未之前聞虞有西膠  
之庠夏有兩序之造殷有瞽宗之文亦越周穆考園  
辟雍以靈沼武王考卜自豐宅鎬備四學之制以爲  
有天下之號王制云天子曰辟雍諸侯曰頴宮如樂  
之宮懸軒懸圭之前誦後直其示別蓋可從焉後儒

之說紛紜競起取義則辟者明而雍者和象形則辟  
壁圓而雍墜木九室十二室四窓八窓太廟清廟世  
室明堂名異地同大射大饗大祀行其中以神道之  
清靜天子之尊崇混神人而無異宮毋乃迂且侷乎  
我

國家德教熙洽文治駿鴻

皇帝以上聖之資身爲之律道積厥躬

詩超雅頌

文軼典誥萃四庫以右文廣諸科以絜學蔭黃瓦於  
華棖榮綠槐之嘉陰

頒周範之十器瞻車服於

孔林立學崑濛建廟興桓靡不崇飭修舉詎首善之  
地而辟雍顧自元中統以來五百年闕焉未完也迺  
命禮官俾相度

召司空庀將作伐石穹嶼萊材巨壑任榑栴以梁棟  
區倚桐以栒桷施以斧藻彰以丹雘圓蓋穹從象天

行也鱗渠之而環重瀛也瓊陛對出四門闢也層廡  
洞敞四目明也井可用汲左右逢原也風行其上觀  
水觀其瀾也

帝位平中

聖杏壇也

奎文黼辰聖人之言也翼以六堂士誦弦也其北則  
高宇豁間連楹八柱席間函丈講肄所聚

璇牕揭日福疇攸敘其南則寶坊翹瞻屹峙若闕教

澤以圓學海以節植豐碑之隆隆蔭層亭之業業維  
皇極之敷訓紀肇造之歲月實主各賓循俞守轍最  
爾多士進德修業大哉

聖人備德位時治觀成而勿亟事有待而非遲復古  
者盛泥古者蚩推而言之井田不可以治地封建不  
可以司牧三年里選不可以得士五品不遷不可以  
善俗決不可治水車不可教戰泉府不可易圓而刀  
賦稅不可易粟而絹矧我



朝大經大法

祖述憲章將萬萬年守之而不愆不忘者哉經營不  
日迺二月上丁舉

釋奠之儀以落其成萬仞宮牆六拜殿墀奠爵薦饗  
屬屬祇祇合先聖之一揆雖

天子必有師

德馨誠感神之格思禮既成乃

臨辟雍

王者視學自北門入

天度穆清如雲如日升者鵷翔仰者鵠立班者鴻漸  
聽者麋集饗席之老百五橋門之士三千命公主摺  
博士襪聯四氏五子東野西姬演疇舊封暨高句驪  
靡不拭目傾耳虔悚以俟儒宰陳書祭酒執經捧撮  
土以附嶽掬涓流以益溟丕著

御論誕告汝自西自東自南自北維天順至誠之動  
維聖立人倫之極仁敬慈孝以達於信交潛見躍飛

必本乎乾惕天垂其則聖合其德賢入其域人荷其責百姓與能君子不息高矣美矣茂矣大矣

聖之徹上下貫精一而自道所得也於是驚者摘舌悅者服膺道氣之所布濩元化之所醞蒸感以符節之合動以志氣之壹

誠之至者如神天垂象而見吉始散稷於觀旂乍成珪於拜席香升而雲同律和而風習釀三冬之和渥一日之澤宵雅昌穀於禹甸春秋紀瑞於周尺化爲

雨之時被爲風之春積爲道岸之登融爲

聖涯之淵士尙其禮耕義種而講學以耨古者曰天  
道地寶而人情爲田

親耕藉田賦

有預宴老農被黃襪扶

賜杖造乎成均髦士曰側聞

古稀天子將舉典循理順東作以勸稽

躬

帝藉乎千畝有諸曰有之有司旣戒事矣京尹旣宿  
辨矣三月吉亥天倉辰叶先日則胃宿合朔翌旦期  
上巳靈節積雪融腴天田含津協風告夙覲土發新  
肅勾陳以

屆青郊之南歌載芟以享

先農之神

三推重典一墾輕塵龍犁行直青箱種勻從耕備乎  
五九終畝藉乎庶人此我

朝劭農之舊儀吾

皇勸相之先務自辛酉迄乎壬寅

躬行者二十六度矣叟何若驚若疑若有餘慕也老

農曰蒙有說焉願罄其愚織當問婢耕當問奴古者

二十授田六十歸田一夫百畝尚限以年是以有侯

疆侯以侯亞侯旅所以職服勞而代作苦也五十不

從力役頌白不負戴諒貴賤之有殊匪筋力之異態

今

皇帝春秋高七十有五矣雖

莊敬日強健行不息而往復於繡錯綺分之間張弛  
乎紺轅黛耜之側其毋乃勞

聖躬而勤

帝力乎且藉田之法見諸戴記詳於國語代相沿而  
禮相踵不皆上壽之主以蒙所聞六帝者漢武征和  
鉅定是卜梁宗普通望臺以築唐開元之載廿三宋  
紹興之歲十六至元肇乎七年洪武啟乎六旬鴻儀

寥濶盛事因循皆古稀未登耆期先倦孰若今者  
萬壽上臺萊之祝六穀猶種種之獻自周武始藉以  
來史冊之所未見也髦士曰與獨不聞

聖主之勤農事乎何獨藉田哉

籌海觀河災蠲款借省歲暮之穀數計日中之米價  
演耕儀於豐澤興弄田於泉宗預望雨而龍見先卜  
雪於柏冬

問一天之雲氣徹五夜之宵鐘遠驛



詢於方伯近

蹕省乎甸封喜伊犁一麥之熟慶山田千畝之豐圖  
早題於貴織

詩多寓乎憫農稔占宮樹之濕霖候山桃之紅民但  
喜乎饒溢

帝先憂乎黼供兆姓曰衣我食我

一心以風人兩人豈僅手足之爲烈而自謂便民也  
大哉

時憲者

天廣運者

聖日月旋而光明春秋序而順正志爲氣之帥心爲形之君不測在誠不匱在勤我

聖人游神乎冲澹

宅心乎穆清以

劫赫爲調燮以

宵旰爲康寧萬幾兢業八方在宥動乎自然不假平

堯步舜趨湯馳禹驟用致貞一純固與

天同

壽又何艱於一青未之秉一洪縻之授此供盛勤已  
班固頌而難詳固本致孝潘岳賦之未就也遂告大  
有協農祥旣富方穀民樂且康青史登三皇之牒黃  
髮上

萬年之觴斯真

皇風之隆軌

壽世之嘉祥也哉

臨雍講學賦

謹序

曹文植

乾隆五十年春二月丁亥

皇上親祀

孔子廟庭既徹迺

御新建之辟雍

宣示經訓橋門觀聽曷奕懽騰典至重也制至善也

澤至洽也且是日

翠輿屆臨祥雲敷布縣連滋酣瑞表盈尺仰見









國家締構協燾昌經緯周埏維度鴻規而大起彫帝  
者之上儀獨澤宮之舊制若從容以待時云土深而  
泉遠議雖建而莫施

皇帝奮乾斷豁羣疑相度規畫亟

命有司景鑠哉議禮制度考文咸備於茲惟

聖人爲能統德位而作

君師是以下講肆之前榮界六館之中位置築而水  
平測圭而景值顯翼泰紫之垣炳蔚奎壁之次有

殿翼如

天子之居儀坤植矩引繩赴隅芝栢茄莖藻井粹疏  
屋重阿以雲上門四闕而霞舒備哉燦爛足以庠五  
室之建而陋三雍之圖其外則磳礪周布闐楯重迴  
虹梁亘以旁逮雲闔誅其洞開九九者松森森者槐  
勢峩巍而爽塏波液澗而灤洄泱泱沼環泠泠玉漱  
汪濊淵渟沖澗廣袤詫醴泉之自達儼屬沸之交湊  
有冽者井在左在右轉以輓轡汲以領鬻瀹不竭之

靈源悉

上聖所指授歲陽奮軋律中夾鐘乃

修上丁之吉祀

詣

先師之闕宮青旗夜夜和鸞雝雝瞻戟門而出右

黃幄卓乎階東

展皇儀肅天空香升蕭煜盛潔粢豐羽籥六佾之舞

咸英九成之聲

體道統而昭對感

神契以德馨洋洋乎穆穆乎所謂以

聖格

聖通微於一誠也爾乃

莅雍宮

御講筵華鐘嗶嗶鼙鼓齋齋句臚傳呼藹然秩然同

致六拜之儀於兩階之前

咨爾有衆乃敷

教言夫止善者道蘊之崇集行匪者禮躬之典式維  
玉音之宏宣合性類以徧德

標要道於萬古貫至誠之不息此

天亶上哲覺牖下民而示之準則也於時鄒魯濂洛  
之裔摛紳縫掖之徒彬彬濟濟邴邴于于曠若發蒙  
嗒焉若愚澄慮尋繹乃洽喜而臚愉有五百老人翹  
首懊懊有東瀛陪隸雀抃睢盱莫不荷陶甄於

大道仰

盛世之涵濡普天

惠浹乃徵

元符是日也吉雲翳其四帀祥飈鼓而揚旂初霰集  
以珠貫旋乘風以回飄希聲脈脈皓采漉漉占

醲化之優渥更滲漉乎春苗

皇猷煥昭文德廣被倉庾實而禮讓興盈寧溥而茲  
誦肄胥羣生以熙皞益翔泳乎仁義

聖天子以賢才爲寶以豐年爲瑞奚取乎平露賓連

麟遊鳳翽哉粵稽夫靈臺之篇有聲之詠義農以還  
周之德稱極盛已然而職方王制之版圖未若今日  
埏垓在宥罔不奉命也百男瓜陔之蕃衍未若今日  
五世一堂潢源集慶也期頤耄耋之壽考未若今日  
繩

武錫宴後先輝映也于耜舉趾之勤劬未若今日  
古稀天子親行致敬也以斯知辟雍海流權輿於周  
而

皇躬福德之隆固復千聖百王而莫並是以

奎章焜耀

鴻藻商皇崇

祖制則

申泥古驚名之告誡

繩曲說則

闢獨斷通典之荒唐

證永平億萬之誣誕



考岐政三老於明堂所以納世道人心於  
聖教

錫蕃禧茂祉於無疆也

禮成慶頌

湛恩迤演光天之下成詠蹈懋勉曰懿哉

天子萬年紀開大衍

愷布元辰引年光顯於樂辟雍旣煥教典乃

邵農以三推

沛膏潤於旌呷盛哉乎莫不欲獻康衢之謠而奏昭  
華之瑄

皇上八旬萬壽賦

謹序

謝振定

皇帝陛下御寓五十有五年道洽時豐澍衍澤覃福

應駢轸秋八月朔十有三日恭逢

聖壽八旬之辰率土祝

釐懽動天地先期呼土克圖各蒙古回部王公及安

南國王前衛後藏諸屬國土司生番等

覲光

行殿雲合飈馳萬方鱗萃皇哉臚贊之上儀已臣蒙

恩備員史館幸際

皇圖鞏庇輯祉

聖躬納祿延洪祚齊霄壤鷓蟀之鳴弗能自輟竊以

稱功容成曰頌正樂曰雅班固云賦者雅頌之

亞所以宣上德而抒下情且未敢僭擬經訓任

質譎賦臚列環輿王會之盛

皇帝德福之隆而推極於祈

天永命之本積成二千七百餘言極知前身無當作

者顧指事敷陳必核厥實不敢擴拾浮辭庶幾  
形容萬一傳信乎無極

臣振定

謹稽首頓首以

獻

有康衢老人祝

天子壽觀於王會過東觀史氏而言曰蓋聞夏后氏  
會玉帛於侖山成周張奕羽於文閭漢置九驛之令

唐傳師古之圖彪彪麟麟光於縹素

叶知我

皇帝控八埏協六符

壽寓綿延亨荷天衢梯山棧壑儗於鴻臚輶歌壤詠  
者齊萬喙而喁喁吾子潤色太平寧嘿而已乎東觀  
史氏曰夫人傾耳陽阿不若金聲玉振者之集大成  
也漬指劍美不若登當嶠戴者之飫大烹也叟實觀  
觀乎

盛典曷弗揚推以詳稱老人曰唯唯歲在上章畢月  
維申

天子萬年慶典聿遵蜺旌鶴蓋溢郭滇闡則有畿甸

岳牧陪京世臣朝逾鐵嶺之麓夕過金臺之垠臨淄  
秦岱之藩鎮太原雲中之領軍白馬則來從東雜青  
牛則至自西秦度吳根與越角修職貢於揚州擊三  
楚之飛汰湖九江之上游或赧黔蜀或犴閩旣綃絛  
粹縹赤幢絳騎纒珊珠之百八翮翠羽之星眸別有  
筠沖邊徼葱嶺嚴疆赫探伯克闡展駐防呬野馬之  
湮酒披天鷲之絨裳自北自西沿哈密而抵燉煌東  
南則琉球烏了之帥暹羅大庫之良纜掌老撾之屬

朝鮮三韓之鄉凸頰員衫之緬酋睢盱盟之番羌  
 莫不趨趙蹙循次第而來享叶至若交趾革贊新册  
 國王五章籟易搏頽歸降叶舞隨隊象爐捧棧香馭  
 勾漏之海越富良之江叶

詔達涂以供帳給茗莛與酒漿庖庖瀨瀨趨趨趙趙  
 影纓蹀躞萃於灤陽剡溫泉之澑溢間罄錘之雄罔  
 煥離宮之綿亘攀棧齮以鬱葱叶於時五十一旗四  
 部游牧之盟長彙宗普寧恒河沙數之大衆叶後先



畢集引脰延航爾乃撒地毛擱天產萬夫墜千輅  
包以夏匭之積埽裹以吳綿之細軟粘紙標籤排  
櫛陳件天山獻其鹿皮滇海輸其貓眼爛番錦以霞紅  
體寶布其雪卷如意指揮乎天花寶珞莊嚴乎梵典  
綴赤水之珠成林削和闐之玉爲辨其他頗黎瑪瑙  
象齒犀貝之屬全填於戶限旣酌受以享忱其橐籥  
而返者尙不可勝紵於是光祿眎膳虎夫行爵剖甘  
瓜瓢擗鮮羊臠扇弄筵之厨彈舜絃之曲叶爰有佞

子眩人騁材娛目叶吐火山樓放燈河泊燦鐵鈇以  
飛烟沉銅荷而跼萼鈞天碎笥簫管具作仙童羽衣  
睂青瞳綠叶遏行雲以響流琅緜山之笙鶴昧任並  
瞰頌斌迂錯萬目狝狝懽騰踴躍是時  
鑿蹕尙駐乎

山莊也迺束綢杠紆朱幃葺灑塵清笥舒雲捲揚藜  
乎瑤亭之鄉置頓乎石槽之館環西虎與東龍拱  
宸闈其未遠蓋

聖節先期旬有五日而

翠葆旋乎

西苑矣天光日申大橫庚庚

帝車內指至於

神京頰玉街之詖蕩徇曝獻之輿情披綺謝之辨華  
偉般爾之所營仿真形於五嶽棲仙豎於崑崙橘野  
幔亭木公金母之屬森稽拜於雲屏亦有鸞香雲掩  
曇雨花縈魚山梵唄響達璇庭益衢尊以湛冽舞斑

綵其娉婷幻魚龍之曼衍摹埜墅之盈寧蓋三十里  
而近而寰宇之大觀於是乎畢呈越日辛酉甯角舍騰  
芒有壽星見於丙位太史候之南郊其占曰壽昌是  
日也湛露滑商雲覆銀漢瀾激金甍爽暹輝庭燎以  
向晨洞掖門之紆表端  
黼座於

太和屹圭量於左右序二九之鴛班燦四距之蟠繡  
羅宗室與遠藩首上公及鈞軸叶次逮卿尹庶僚溱

潘奔湊鳳罕勻排屏息斂嗽屬屬然惜惜然會無埃  
乎指畫而口授少焉華鯨墮猛鯨吼熺烟導前扇益  
擁後

天顏睟穆盈庭稽首<sup>叶</sup>迺有元臣嵩呼拜手進而慶  
言曰臣聞五十有五天地之數<sup>叶</sup>乾元用九而天則  
昭八卦小成而變化具<sup>叶</sup>八而八之其策萬有二千  
五百二十願以爲我

皇壽羅元愷於

形埤植大椿於

禁園布神筴乎泰元贊嘉符其孔楸

皇帝曰俞哉其自親王郡王貝勒貝子公將軍文武  
各臣息外藩王皆

賚予其從厚

叶

受賀禮成晶日方晝川映山輝苞宇納宙鵠列鸞埃  
者莫不心醉目眩意溢而辭漏况夫扶駘挈稗之氓  
譽髦書升之秀口沫乎謳歌臆傾乎瞻就又烏能以

殫究哉斯會也

八表積籌萬方在

宥晷緯揚暉斗樞膺祐自有書契以來閱萬千年而  
一覲者歟老人之辭未終東觀史氏歔然振容曰盛  
哉乎

茲辰所謂凡有血氣莫不尊親者矣抑蒙有進焉願  
廣所未聞且夫仰測蒼旻不徒日月星辰之文俯察  
坤儀不徒果穀卉植之蕃也觀岱嶽者必陟其巔觀海

者必於其瀾也試與子沂源竟委溫故知新以上窺  
聖治之大原焉粵稽朱果凝祥白山啟慶翼翼繩繩  
聖以繼

聖

太祖奠遼瀋之基

太宗制松杏之勝揚九宇之威稜

世祖龍興而受

命肆肇造我不丕基沂得統爲最正越



聖祖之莅祚參亭育而靡競二孽翦而滇閩安  
六巡舉而淮海定閱六十有一年而元氣敦厯融洽  
乎萬姓矣

世宗受之四聰達聽端攬乎乾綱而溥海內外如桴  
騰而響應

皇帝世德作求終日乾乾卑心以密顧諟在

天

園壇

紺殿必

躬必虔春

祈夏

雩夙夜惟寅侑濟告曰嶽懸鼓文駢斯有虞氏之類帝  
而裡神也

宗廟有翼悽愴無教作堂紀

恩用闡靈釋四詣

留都升馨視滌全韻成詩繩

武奕奕斯殷商氏之思成而駿格也

躬藉劬農紺轅省歲

蠲漕者再

蠲賦者四其有偏災振貸不翅

明訓載申雞雛人箱斯姬周氏之懷保而康乂也河  
探鹽澤流爲鄂敦若淮若濟真源攸分清黃交會提  
屹言言浙海三壘塘石魚鱗咸秉

脊斷鼇柱奠坤斯夏后氏之決川而滌源也準我犁

庭封衛拉特天方曼曼都九獻誠趨拉促浸摧礪鏃  
男武功九成靡堅不克則禹之格有苗湯之享氏羌  
無其偉績也

天章奎畫縱筆所如文成千數詩四萬餘七閩羅珍

十鼓鏘華叶貝經浩映譯以

國書則陶唐之巍煥周王之爲章遜其華考也

省方展義五臺天津登嵩嵩岱

六莅南垠匪遯匪逸念切痼瘵則同律修禮之舊陳

詩納賈之制不足云也至若

經筵講義釋奠

躬親五經輪試棘闈展

恩予晉銜以錫類許微旨之自新勗英胄以勉與旌  
孝子與順孫梁川衍陸王道平平挂弧負橐戍卒征  
人孱老惇鰥險噶

至仁綜六籍而量曩轡臚萬牒而證前聞美矣大矣  
靡有倫矣斂時五福錫厥庶民宜其

洪竿

天齊六幕咸賓者也然猶

宵旰救幾持盈保泰

視六合爲一家旣其球之畢蒼

念奔走以偕來曠庶官其時代乃

詔彼重臣分員遴派勿怠立封圻勿弛乎營隊道府

丞倅及各將備酌謙從其二三節冗繁於行邁屏祥

瑞以彌欽惟成功於殿最所以敬民事警曠廢也頃

者屢吠偶聞於畿南僧胥觸法於吳會匿魑魅於光  
天惟大僚之玩懈懲之惕之曾不少貸匪靳錫乎

覃恩庶永昭乎箴戒大法小廉翁噓橐籥順氣昭蘇  
氤氲旁魄叟徒知陸屨浸航羈商鞅書九賓殷儆乎  
萬樂叶而不知

宸衷之所樂惟在雨暘時若也叟徒知谷動神音山  
鳴秘響億兆焚香以載路而不知

巖廊之究度惟在民安耕鑿也且叟獨不鑒於古乎

自昔旋復之提亭品羣形鈞環轂運以奠萬靈是以  
君有五期積算億齡義炎軒轅堯舜禹湯皆百年而  
有羸降自羸劉迄於元明上下二千餘禩紛禪繼其  
代更非不殫服鍊祈長生祀泰乙禮云亭而年躋八  
旬者僅得三帝若梁武宋高之撫區宇元世祖之一  
環瀛或情竄以貽悔或偏安以隳成或應運以創大  
業治猶未底乎綏寧匪大年之難邁實薦德之未馨  
垂祉儲禧



天其默眷以俟乎

聖人法

天行健如日之升

五世一堂

純嘏備膺敘洪範之九疇欽

耄念於八徵以覘

天人之訢合而

皇帝乃謙尊而彌光蒙嘗佩繹乎

睿訓故能約畧其大綱然亦猶捧土而益平膏華握  
蠶而測彼渤溟也於是康衢老人捧頌射手咿呀  
咄憮然爲問曰鄙人戴高履厚拘墟軋芴敬聆莊論  
劃然若晰雖六五而四三曾不足以少匹願仰京秣  
之雲暉詠

鴻庥於世世

叶

皇上八旬萬壽賦

史致光

占緯之祥有麗景之融曜焉殿嶽之祉有茂嵩之貞  
誥焉若乃重熙累洽之世憲平衡正之懿砥屬浹平  
埏紘泰飭翔乎蠢植著筴紀周而申重籌算洪延而  
昌熾禕哉鑠乎伊古膺期提象之君斂福未若斯之  
賅備也洪惟

大清之肇迹也山輦神基澤邑福源遑際區宇摩斯  
羣倫奠清寧於俛聿踐承翼乎雷轟振偉

謨烈之繼繩感泰一而楫元於時鼓洪鈞揚盛軌扇  
淳厯奕斐鞞肅義溫仁照景飲醴蓋

列聖蘊符儲庠百有餘禩而後

昊緯眷焉篤純祐錫蕃釐於我

聖天子延美大光式燾儀載甄剛坯柔繫輪結駘羌  
摩新而恭舊用懲逸而祛泰煥

前猷以發越廓至治於無外郁郁疑疑倂倂峴峴聰  
明寬厚智勇錫超暉儀苞羽律中莖韶單緝熙而益

懋矢劼志而彌劭其崇業也若渾穹之魏峻其彌文  
也若倬漢之融昭湯邇邇密倫軌壹訾威稜紛來悅靈  
繹宣轅貞祺騰溢軒佶之事並苞林丞之道允隲皇  
哉煒哉累璇牒於崇基鏤盛大其難巨述粵若冬

丘夏

澤雨禱穀祈觀象察類引

神示

元飭谷臺而圭潔

躬壇幕以虔寅闐闐開而迎曜鈞陳轉而肅達膏雨  
迎夕稷雪應期方成田步旋折中規禮繁委而勤勞  
罔有間於一載爾執徐之簡儀徇籲請乎朝宗  
昭事矢於純常殷禮秩其咸在懿夫

詠發寶符

論詮真宰通呼驗於面稽膺

眷鑒兮宜倍於赫

光烈暨祇

續承兼創守之難易藐三五以咸登啟

寶籙於瑤緘適

暮訓於塗滕環循轂轉維誦晨興佳氣鬱蔥

陪都神奧溯渥澗之源流緬岐豐之

締造大建碣於薩汧之臯數

莅駕乎同江之陬奉裸瓚而薌升勤優愾而衣紹章  
服式由珉城美告朕酌攸繇潢派是導惇宗則

恩故需衍

錫爵則典盼渙號斯皆根

欽若之上修鑠遇佚之崇效也若酒枋四時幹五行  
釐萬幾攝三名逸咨且倣欽作臯賡

批章應畧

聽政質明廷臣日宣而

誼度庶僚引覲而番更擇展采以信飭董厥績而敏  
程孜孜翊紐贊贊廓緝

講幄開而春殿闕



行園肅而秋塞清  
穰懿戒之隅德觀什榜之達誠懋  
典學與講武握政紀之大經暨平

液池凝鏡萃士分糊角材練技力均賜平繫時恁而  
歲曹咸垂神而勵精民隱周咨引恬饅煥十雨五風  
先種後稷小卯候期元辰戒宿緯黛帑以鳴鑾執洪  
縻而舉玉典劭平農疇情殷乎葑屋異鉤盾之弄田  
躬四推其猶若不足於是偏阪歉歲匪達

詔馳粟留綱運錢貸度支軫納隍之念省耕穡之時

蔭囑人於灌槭於嘉植以蕃滋

命理官使欽謚權銖兩於聽辭爰有星虛貫索庭出  
葳蕤聯一氣於心體惟

聖人其孩之夫其胥蠻豐融祇若

昊穹唐帝之憲則也

寅恭繩

武荆制垂緒周武之繼述也夙夜

勅幾慎首疇咨有夏后惜陰之實焉適求寧莫田佃

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

宅度有姬文懷寶之德焉遂乃侔鴻造於兩儀紹心  
傳於

三聖垂精神於億葉宏辨章於萬姓兼苞博落登閱  
專夔洋洋乎若德

帝者之隆規是用著魏煥而昭極盛爾其

偉畧則

睿謨廣運

大武九成星耀月暎雲成雪城沫若之靡因壘烏孫

之掃犁庭列收則屯包戊巳置守則戶籍男丁徠苑  
駒神駿於阜擷闔壁觥澤之瑛闢輿圖於地軸踰二  
萬而爲程又若臨水驅氛肅垣翦枿激臺海之波  
電掣樓船之捷稟籌筆於

九重憺

德威乎赫奕其

敷文也則

詩編有五

文製盈千

味腴汲古

摘藻抽妍標炯鑑而聲類備述

崇規而樂府宣育養叶薰琴之奏賡歌追栢梁之篇  
游道藝之林數燦奎壁於星躔虎觀崇儒石渠掌故  
締淵源津溯而傑構雲連彙經史子集而縹囊彩貝  
峙三閣以踵增佇南邦之游豫許以傳鈔廣夫流布  
捃瀛寓乎車書範

文思而陶鑄聿瞻

制度懸象爲昭裁成百代被飾

三朝訾茅莪其已陋聆擊拊以匪遙建典釐其經曲  
考圖範厥陶匏虔答陰而薦璧祀龍見而齊

郊定五輅之儀衛訂九奏之清韶中和備乎雅管慶  
隆舞乎象箛於樂辟雍載疏園水禮舉上丁聽環胄  
子優老撰珍飲鄉尚齒肄陔笙而陋哲辭摩獮碣而  
采籀史譜南幽雅頌之什而按歌正重敏經迭之音

而祛鄙表旁行斜上之體以紀官神春禮冬書之教  
以造士非沿襲而爲功份份乎不可尙已迺若涵汪  
濺濡滂洋

德施普

仁風揚

錫類殷延賞長勵惠鮮監允詳蠲貸粟豁餘糧行糜  
粥於月令察平會於司賚免口算之正供停歲漕之  
輸場繁至三而至再殊復半與隅方濟濟薪樵踴踴

賢序大選比銓特科煩舉寒峻蒸髻者自儒曳組開上  
塞之絃歌啟朝正之宴醺化日以舒文露則澗泊乎

肅

鑿輿歌時邁臺麓星津中嵩東岱踵上典乎

舜巡六御龍乎吳會陳詩納賈宥青考最作爲便程  
殷賑曲賚儲侍軫乎方來供帳戒其已泰章無舊而  
勿率施無逃而勿艘矧復恬海翁河隄瀾障汰撻石  
排鱗偃流束帶濬築因宜



旰宵躬裁衛澤國之池漙伍井廬以滋漑六府甚修  
利普斯大於是豐功集懿教哀明備告樂愷周恢皇  
綱而偃伯訓帝文以敘疇官崇卑以儀正濡澥渤以  
膏流彪被乎寰區鴻啓乎垓陬大中正之獨督紹泰  
上乎成鳩爾乃福備乎道隆化純乎德博憲

天則純佑疊申率

祖則保饗用酢庶政和而八風平民氣洽而九歌作  
玉燭綰緼斗車斟酌三光甄變五緯昭鑠孕人瑞於

苞符鼓物靈於橐籥頌芝之露紀虞麟樂

壽寓惟皇人邑居展展觴豆莘莘享頤齡於平世集  
皓叟於春筵蕃駢乳四男之瑞登族居九葉之淳荷  
旌門之卓楔允蹈德而詠仁加以

堂開五代慶萃

九宸肇來曩之振揖徵結佩於宜孫用敷錫乎兆姓  
盈二百氏之濡

恩舍飴提抱往牒希聞厥有奉常栩化之仙妙應輪

懸之帛方皓質緇文之獸而異象來馴媿一莖九穗  
之禾而嘉蓂旅殖都哉嘉貺臻茲所以釗福應而醴  
允迪然而

天子方敬勝日躋健行夕惕協謙吉於六爻或俊美  
其必斥且夫抱蜀政修肅允恭也會極訓行又由從  
也炳幾握鑑濬哲彰也紹典詒燕淵謀臧也侔化參  
神聖縱將也是以應五行備五韙魏和敘辰翕張順  
晷雨風之好攸從寒暑之咨罔隸越四紀而餘七考

庶徵之不斁乃猶省歲時勗

耄念篆

璽章儕銘監

景運罔新

塢宮豐斂固宜流祺延祚於無疆而旅象洽權之克  
驗也上章掩茂之歲

八旬啟表之辰

允祝釐於初載

大施慶乎首春籲俊之門再闢蠲租之澤又均釋輕  
繫而期予治錄微瑕而俾自新出練粟於庶老賁  
綸封於士紳度曩規而式備重淪浹於無垠則且載  
蒼旂

省青甸登泰嶽以升中謁泉林而

釋奠

清蹕所經洪施黜徧旋返旆乎川塗遞驛籌乎津旋  
疇衢尊之勿霑諒春臺之丕有羨於斯之時

德霈雨施懽臚雷動士歌於泮農舞於隴駢篠嬉遊  
鳩筇忭捧內則列爵敘品黜組我冠之侶陞城趨蹠  
外則隸部備藩擁旄帶劍之倫塞垣環拱莫不翹趾  
而樹頤頌靡褫之道總他若葱嶺以西龍沙以北滄  
海東漸丹崖南躡納貢者曾夏責憬睽稟朔者杭險棧  
磧高句麗集其鴻臣俄羅斯通乎象譯琉球暹羅之  
君南掌西竺之國胥迭聽乎風聲並輸忱而凜職則  
有逾常之嚮化感苗格於至誠靖朱波兮驟樂犴款

鹿耳兮卉服絺緼旬受封而從憑臺奮瞻禮而趨趨  
巴勒布之遠界越衛藏而來詹肇候律而獻琯等測  
海以陳鯨至若辰居極北徼列日南周傳雉瑞漢度  
鳶跖德懷威畏忻就樂瞻涉萬里而來享躬致福乎  
尊嚴斯尤

仁壽之枕被聲教之幬罩

天顏則愉禮儀用東乃穆賓門乃繕質館或肆之筵  
載錫之裘承流仰沫誼隆柔遠覽萬國之鱗集於是

乎坐明堂而納散紀汁壽光日躔蒼宿金祀班聯彤  
墀仗肅

天子御太和之正殿被九龍之法服千官奉表而軒  
襲

一人睟容而疊穆九擗應節三呼動谷典茂乎常朝  
慶申乎虔祝皇樂備而盛禮暨爰憩

寧壽而臨

景福既乃



乘輿幸乎西苑經乎西華之門王會燦設按圖具陳  
聳墀霓乎交衢接辨華於肆屢山戴鼇以鼉肩樹駢  
柯以綸連統牛露犬之彩素翬丹羽之珍百戲呈幻  
萬卉鋪荼奇喬倣詭不可殫論仰

鳳蓋之琴麗觀

鸞旂之狎獵梵貝之誦孔殷鈞天之奏方合爰有衢  
歌宣籟鼓頰樂含哺以饒樽述

帝德之綸匝一字一音矢口角協

壽考維祺臣黎胥洽允哉

盛典宜爲一書

小臣

珥筆職効編摩罄形容而莫殫

掄萬一於

聖模奚用上循乎合雒汎覽乎華胥惟

純赫以長世祝

升恒乎九如乃獻頌曰

皇建極兮

天錫福兮得祿位名而

壽彌引繹兮靖外安內治職植兮

念用微疇歲月日時無易兮

佑命兼申延萬億兮